

萬有文庫

第二集七百種

王雲五主編

韋蘇州集

附拾遺

(下)

韋應物撰

武漢大學

圖書館藏

商務印書館發行

大鑑

萬有文庫

第二集七百種

總編纂者

王雲五

商務印書館發行

韋蘇州集

附拾遺

(下)

韋應物撰

國學基本叢書

韋蘇州集卷之七

登眺

登高望洛城作

高臺造雲端。遐瞰周四垠。雄都定鼎地。勢據萬
國尊。河岳出雲雨。土圭酌乾坤。舟通南越貢。一作盈城
背北邙原。帝宅夾清洛。丹霞捧朝暾。蔥蘢瑤臺
榭。窈窕雙闕門。十載構屯難。兵戈若雲屯。一作云膏腴
滿榛蕪。比屋空毀垣。聖主乃東眷。俾賢拯元元。

熙熙居守化。汎汎太府恩。至損當受益。一作方苦寒必
生溫。平明四城開。稍見市井喧。坐感理亂迹。永
懷經濟言。吾生自不達。空鳥何翩翩。天高水流
遠。日晏城郭昏。徘徊訖旦夕。聊用寫憂煩。

同德寺閣集眺

芳節欲云晏。遊遨樂相從。高閣照丹霞。飈飈含
遠風。寂寥氛氲廓。超忽神慮空。旭日霽皇州。岩
甍見兩宮。嵩少多秀色。羣山莫與崇。三川浩東

劉涓溪曰凡語
言夫趣皆實歷
無趣者雖有味
名短

注。漣。澗。亦。來。同。陰。陽。降。太。和。宇。宙。得。其。中。舟。車。
滿。川。陸。四。國。靡。不。通。舊。堵。今。已。葺。庶。毗。亦。已。豐。
周。覽。思。自。奮。行。當。遇。時。邕。

登寶意寺上方舊遊

寺在武功
曾居此寺

翠。嶺。香。臺。出。半。天。萬。家。煙。樹。滿。晴。川。諸。僧。近。住。
不。相。識。坐。聽。微。鐘。記。往。年。

登樂遊廟作

高原出東城。鬱鬱見咸陽。上有千載事。乃自漢

宣皇頽墻久凌遲。陳迹翳丘荒。春草雖復綠。驚風但飄揚。周覽京城內。雙闕起中央。微鐘何處來。暮色忽蒼蒼。歌吹喧萬井。車馬塞康莊。昔人豈不爾。百世同一傷。一作場歸當守冲漠。跡寓心自忘。

登西南岡。卜居遇雨。尋竹浪至。澧壖縈帶。數里清流。茂樹雲物可賞。

登高創危構。林表見川流。微雨颯已至。蕭條川氣秋。下尋密竹盡。忽曠沙際遊。紆直水分野。綿

延稼盈疇。寒花明廢墟。樵牧笑榛丘。雲水成陰。一作交
一作澹自憇心賞又作出賞
澹竹樹更清幽。適自戀佳賞。復茲永日留。

澧上與幼遐月夜登西岡翫花

置酒臨高隅。佳人自城闕。已翫滿川花。還看滿
川月。花月方浩然。賞心何由歇。

臺上遲客

高臺一悄望。一作聊遠樹間朝暉。但見東西騎。端令心
賞違。始霽郊園綠。暮春啼鳥稀。徒然對芳物。何

能獨醉歸。

登樓

茲樓日登眺。流歲暗蹉跎。坐厭淮南守。秋山紅樹多。

善福寺閣

殘霞照高閣。青山出遠林。晴明一登望。蕭洒此幽襟。

樓中月夜

端令倚懸檻。長望抱沉憂。寧知故園月。今夕在
茲樓。衰蓮送餘馥。華露湛新秋。坐見蒼林變。清
輝愴已休。

寒食後北樓作

園林過新節。風花亂高閣。遙聞擊鼓聲。蹴踘軍
中樂。

西樓

高閣一長望。故園何日歸。烟塵擁函谷。一作在秋鴈過

來稀。

夜望

南樓夜已寂。暗鳥動林間。不見城郭事。沈沈唯四山。

晚登郡閣

悵然高閣望。已掩東城關。春風偏送柳。夜景復沈山。

登重玄寺閣

時暇陟雲構。晨霽澄景光。一作郡始見吳都大。十里鬱
蒼蒼。山川表明麗。湖海吞大荒。合沓臻水陸。駢
闐會四方。俗繁節又暄。雨順物亦康。禽魚各翔
泳。草木遍芬芳。於茲省一作氓俗。一用勸農桑。誠知
虎符忝。但恨歸路長。

遊覽五十八首

觀早朝

伐鼓通嚴城。車馬溢廣墜。煌煌列明燭。朝服照

華鮮金門杳深沈。尚聽清漏傳。河漢忽已沒。司
闔啟晨關。丹殿據龍首。崔嵬對南山。寒生千門
裏。日照雙闕間。禁旅下城列。鑪香起中天。輝輝
睹明聖。濟濟行俊賢。媿無鴛鴦姿。短翮空飛還。
誰當假毛羽。雲路相追攀。

陪元侍御春遊

何處醉春風。長安西復東。不、因、俱、罷、職、豈、得、此、
時、同、貫、酒、宣、平、里、尋、芳、下、苑、中、往、來、楊、柳、陌、猶

避昔年驄。

遊龍門香山泉

山水本自佳。遊人已忘慮。碧泉交幽絕。賞愛未_{一作}能去。潺湲瀉幽磴。繚繞帶嘉樹。_{一作}激轉忽殊流。歸泓又同注。羽觴自成_{一作}翫。永日亦延趣。靈草有時香。仙源不知處。還當俟圓月。携手重遊寓。

龍門遊眺

鑿山導伊流。中斷若天闢。都門遙相望。佳氣生

朝夕。素懷出塵意。適有携手客。精舍遶層阿。一作繞千

龕鄰峭壁。一作隣緣雲路猶緬。憇澗鐘已寂。花樹發煙

華。淙流散石脉。長嘯招遠風。臨潭漱金碧。日落

望都城。人間何役役。

一作徘徊悵還駕。城闕多物役。

洛都遊寓

東風日已和。元化亮無私。草木同時植。生條有高卑。罷官守園廬。豈不懷渴饑。窮通非所干。跼促當何爲。佳辰幸可遊。親友亦相追。朝從華林

宴暮返東城期。掇英出蘭皋。翫月步川坻。軒冕
誠可慕。所憂在縈維。

再遊龍門懷舊侶

嘗與賓貢州洛陽韓丞
澠池李丞密鄭二尉同

遊

兩山鬱相對。晨策方上干。靄靄眺都城。悠悠俯
清澗。邈矣二三子。茲焉屢遊盤。良時忽已周。獨
往念前歡。好鳥始云至。衆芳亦未闌。遇物豈殊
昔。慨傷自有端。

莊嚴精舍遊集

良遊因時暇。乃在西南隅。綠煙凝層城。豐草滿
通衢。精舍何崇曠。煩跼一弘舒。架虹施廣蔭。構
雲眺八區。卽此塵境遠。忽聞幽鳥殊。一作秋新林汎景
光。叢綠含露濡。永日亮難遂。平生少歡娛。誰能
遽還歸。一作得幸與高士俱。

府舍月遊

官舍耿深夜。一作寺佳月喜同遊。橫河俱半落。汎露忽

驚秋散彩疎羣樹。分規澄素流。心期與浩景。蒼
蒼殊未收。

任鄆令漢陂遊眺

野水灩長塘。煙花亂晴日。氛氲綠樹多。蒼翠千
山出。游魚時可見。新荷尚未密。屢往心獨閑。心
無理人術。

西郊遊矚

東風散餘沍。陂水淡已綠。一作綠烟芳何處尋。香靄春

山曲新禽哢暄節。晴光汎嘉木。一與諸君遊。華
觴忻見屬。

再遊西郊渡

水曲一追遊。遊人重懷戀。嬋娟昨夜月。還向波
中見。驚禽棲不定。流芳寒未徧。攜手更何時。佇
看花似霰。

月溪與幼遐君貺同遊

時二子還城

岸篠覆迴溪。迴溪曲如月。沈沈水容綠。寂寂流

一作鶯初歇

鶯歌淺石方凌亂。遊禽時出沒。半雨夕陽霏。緣源雜花發。明晨重來此。同心應已闕。

與幼遐君貺兄弟同遊白家竹潭

清賞非素期。偶遊方自得。前登絕嶺險。下視深潭黑。密竹已成暮。歸雲殊未極。春鳥依谷暄。紫蘭含幽色。已將芳景遇。復欸平生憶。終念一歡別。臨風還默默。

秋夕西齋與僧神靜遊

晨登西齋望。不覺至夕曛。正當秋夏交。原野起
煙氛。坐聽涼飈舉。華月稍披雲。漠漠山猶隱。灩
灩川始分。物幽夜更殊。境靜興彌臻。息機非傲
世。于時乏嘉聞。寃竟自爲理。况與釋子羣。

觀田家

微雨衆卉新。一雷驚蟄始。田家幾日閑。耕種從
此起。丁壯俱在野。場圃亦就理。歸來景常晏。飲
犢西澗水。饑飮不自苦。膏澤且爲喜。倉廩無宿

譚夏曰。貼
人情之言

鍾伯敬曰慙字
入得厚

儲。徭役猶未已。方慙不耕者。祿食出閭里。

園亭覽物

積雨時物變。夏綠滿園新。殘花已落實。高笋半
成筠。守此幽棲地。自是忘機人。

觀澧水漲

夏雨萬壑湊。澧漲暮渾渾。草木盈川谷。湍漫一
平吞。槎梗方瀾汎。濤沫亦洪翻。北來注涇渭。所
過無安源。雲嶺同昏黑。觀望悸心魂。舟人空歛

棹。風波正自奔。

漲一作流

陪王卿郎中遊南池

鷓鴣俱失侶。同爲此地遊。露浥荷花氣。風散柳
園秋。烟草凝衰嶼。星漢汎歸流。林高初上月。塘
深未轉舟。清言屢往復。華樽始獻酬。終憶秦川
賞。端坐起離憂。

南園陪王卿遊矚

形迹雖拘檢。世事淡無心。郡中多山水。日夕聽

幽禽。几閣文墨暇。園林春景深。雜花芳意散。綠池暮色沉。君子有高躅。相携在幽尋。一酌何爲貴。可以寫冲襟。

遊西山

時事方擾擾。幽賞獨悠悠。弄泉朝涉澗。采石夜歸州。揮翰題蒼峭。下馬歷嵌丘。所愛唯山水。到此卽淹留。

春遊南京

川明氣已變。巖寒雲尚擁。南亭草心綠。春塘泉脉動。景煦聽禽響。雨餘看柳重。逍遙池塘華。益媿專城寵。

再遊西山

南譙古山郡。信是高人居。自嘆乏弘量。終朝親簿書。於時忽命駕。秋野正蕭疎。積逋誠待責。尋山亦有餘。測測石泉冷。曖曖煙谷虛。中有釋門子。一作藥種藥結茅廬。出身厭名利。遇境卽躊躇。守直

雖多忤。視險方晏如。况將塵埃外。襟抱從此舒。
遊靈巖寺

始入松路永。獨忻山寺幽。不知臨絕檻。乃見西
江流。吳岫分煙景。楚甸散林丘。方悟關塞眇。重
軫故園愁。聞鐘戒歸騎。憇澗惜良遊。地疎泉谷
狹。春深草木稠。茲焉賞未極。一作清景期杪秋。

與盧陟同遊永定寺北池僧齋

密竹行已遠。子規啼更深。綠池芳草氣。閑齋春

樹陰晴蝶飄。蘭逕遊蜂遶花心。不遇君攜手。誰復此幽尋。

遊溪

野水煙鶴唳。楚天雲雨空。翫舟清景晚。垂釣綠蒲中。落花飄旅衣。歸流澹清風。緣源不可極。遠樹但青蔥。

遊開元精舍

夏衣始輕體。遊步愛僧居。果園新雨後。香臺照

鍾伯敬曰最深
最細、極則幽
又云孤花表春
餘妙語妙情常
有殘鶯如夏淺

可為妙對
譚夏曰表字
思路入微

日初。綠陰生晝靜。一作寂孤花表春餘。符竹方為累。形跡一來疎。

襄武館遊眺

州民知禮讓。訟簡得遨遊。高亭憑古地。山川當暮秋。是時杭稻熟。四望盡田疇。一作平仰恩慚政拙。念勞喜歲收。澹泊風景晏。繚繞雲樹幽。節徃情惻惻。天高思悠悠。嘉賓幸雲集。芳罇始淹留。一作還喜習池賞。聊以駐鳴騶。

秋景詣瑯琊精舍

屢訪塵外迹。未窮幽賞情。高秋天景遠。始見山
水清。上陟巖殿憩。暮看雲壑平。蒼茫寒色起。迢
遞晚鐘鳴。意有清夜戀。身爲符守嬰。一作方憂悟言緇衣
子。瀟灑中林行。

同韓郎中閑庭南望秋景

朝下抱餘素。地高心本閑。如何趨府客。罷秩見
秋山。疎樹共寒意。遊禽同暮還。因君悟清景。西

望一開顏。

慈恩精舍南池作

清境豈云遠。炎氛忽如遺。重門布綠陰。菡萏滿
廣池。石髮散清淺。林光動漣漪。綠崖摘紫房。扣
檻集靈龜。汜汜餘露氣。馥馥幽襟披。積喧忻物
曠。耽翫覺景馳。明晨復趨府。幽賞當反思。

雨夜宿清都觀

靈颿動閭闔。微雨灑瑤林。復此新秋夜。高閣正

沈沈。曠歲恨殊跡。茲夕一被襟。洞戶含涼氣。網
軒構層陰。況自展良友。芳罇遂盈斟。適悟委前
忘。清言怡道心。豈戀腰間綬。如役籠中禽。

善福精舍秋夜遲諸君

廣庭獨閑步。夜色方湛然。丹閣已排雲。皓月更一作正
高懸。繁露降秋節。蒼林鬱芊芊。仰觀天氣涼。高
詠古人篇。撫已亮無庸。結交賴羣賢。屬予翹思
時。方子中夜眠。相去隔城闕。佳期屢徂遷。一作阻如何

劉涓子曰自以
為得
又云游興各自
寫
種伯敬曰與藥
餌情所正字
同想

日夕待見月三四圓。

東郊

吏舍跼終年。出郊曠清曙。楊柳散和風。青山澹
吾慮。依叢適自憇。緣澗還復去。微雨靄芳原。春
鳩鳴何處。樂幽心屢止。遵事跡猶遽。終罷斯結
廬。慕陶真可庶。

秋郊作

清露澄境遠。旭日照臨初。一望秋山靜。蕭條形

迹疎。登原忻時稼。采菊行故墟。方願沮溺耦。淡泊守田廬。

行寬禪師院

北堊極長廊。斜扉映叢竹。一作淹亭午一來尋院。幽僧亦獨。唯聞山鳥啼。愛此林下宿。

神靜師院

青苔幽巷徧。新林露氣微。經聲在深竹。高齋獨掩扉。憇樹愛嵐嶺。聽禽悅朝暉。方耽靜中趣。自

與塵事違。

精舍納涼

山景寂已晦。野寺變蒼蒼。夕風吹高殿。露葉散林光。清鐘始戒夜。幽禽尚歸翔。誰復掩扉卧。不詠南軒涼。

藍嶺精舍

石壁精舍高。排雲聊直上。佳遊愜始願。忘險得前賞。崖、傾、景、方、晦、谷、轉、川、如、掌、綠、林、含、蕭、條、飛

柱天祥曰有緩
疾有轉折眼前
景眼前事大妙

閣起弘敞。道人上方至。深夜還獨往。日落羣山陰。天秋百泉響。所嗟累已成。安得長偃仰。

道晏寺主院

北隣有幽竹。潛筠穿我廬。往來地已密。心樂道者居。殘花迴往節。輕條蔭夏初。聞鐘北窻起。嘯傲永日餘。

義演法師西齋

結茅臨絕岸。隔水聞清磬。山水曠蕭條。登臨散

鍾伯敬曰。出事
寫得深便無清
態

情性。稍指緣原騎。還尋汲澗徑。長嘯倚亭樹。悵
然川光暝。

澄秀上座

繚繞西南隅。鳥聲轉幽靜。秀公今不在。獨禮高
僧影。林下器未收。何人適煮茗。

至西峰蘭若受田婦饋

攀崖復緣澗。遂造幽人居。鳥鳴泉谷暖。土起萌
甲舒。聊登石樓憇。下翫潭中魚。田婦有嘉獻。潑

撒新歲餘。常惟投錢飲。事與賢達疎。今我何爲
答。鰥寡欲焉如。

曇智禪師院

一作暖

高年不復出門徑。衆草生時夏。方新雨。果藥發。
餘榮疎澹下林景。流暮幽禽情。身名兩俱遣。獨
此野寺行。

起度律師同居東齋院

釋子喜相偶。幽林俱避喧。安居同僧夏。清夜諷

鍾伯敬曰非不
出不足以言
之

劉須溪曰語有
仙風道骨

葛常之曰韋應物
物歐永祥皆作
滁州太守應物
游琅琊山則曰
鳴騶響幽澗前
旌耀崇岡永叔
則不然游石子澗
詩云麝麝魚鳥
莫驚怪太守不
將車騎來又云
使君散騎泛車
馬笛山前行歌
招野吏共步青
林間游山當如
此也

道言對閣景。恒晏步庭陰。始繁逍遙無一事。松
風入南軒。

遊瑯琊山寺

受命恤人隱。茲遊久未遑。鳴騶響幽澗。前旌耀
崇岡。青冥臺砌寒。綠縹草木香。填壑躋花界。疊
石構雲房。經製隨巖轉。繚繞豈定方。新泉泄陰
壁。高蘿蔭綠塘。攀林一栖止。飲水得清涼。物累
誠可遣。疲疢終未忘。還歸坐郡閣。但見山蒼蒼。

同越瑯琊山

趙氏生辟強

石門有雪無行跡。松壑凝煙滿衆香。餘食施庭
寒鳥下。破衣挂樹老僧亡。

詣西山深師

曹溪舊弟子。何緣住此山。世有征戰事。心將流
水閑。掃林驅虎出。宴坐一林間。藩守寧爲重。擁
騎造雲關。

尋簡寂觀瀑布

躡石欹危過急澗。攀崖迢遞弄懸泉。猶將虎竹
爲身累。欲付歸人絕世緣。

簡寂觀西澗瀑布下作

一作深

淙流絕壁散。虛煙翠澗深。叢際松風起。飄來灑
塵襟。窺蘿翫猿鳥。解組傲雲林。茶果邀真侶。觴
酌洽同心。曠歲懷茲賞。行春始重尋。聊將橫吹
笛。一寫山水音。

遊南齋

葛常之曰游溪
詩野水烟窗暝
楚天雲雨空此

詩春水二句詠
聲萬物自生聽
太空常寂寥如
此等句豈下于
兵衛森劍戟處
發疑清音哉

池上鳴佳禽。僧齋日幽寂。高林晚露清。紅藥無人摘。春水不生煙。荒岡筠翳石。不應朝夕遊。良爲蹉跎客。

南園

清露夏天曉。荒園野氣通。水禽遙汎雪。池蓮迥披紅。幽林詎知暑。環舟似不窮。頃灑塵喧意。長嘯滿襟風。

西亭

亭宇麗朝景。簾牖散暄風。小山初構石。珍樹三
然紅。弱藤已扶援。幽蘭欲成叢。芳心幸如此。佳
人時不同。

夏景園廬

羣木晝陰靜。北窻涼風多。閑居逾時節。夏雲已
嵯峨。舉葉愛繁綠。緣澗弄驚波。豈爲論風志。對
此青山阿。

夏至避暑北池

晝晷已云極。宵漏自此長。未及施政教。所憂變
炎涼。公門日多暇。是月農稍忙。高居念田里。苦
熱安可當。亭午息羣物。獨遊愛方塘。門閉陰寂
寂。城高樹蒼蒼。綠筠尚含粉。圓荷始散芳。於焉
洒煩惱。可以對華觴。

題從侄成緒西林精舍書齋

棲身齒多暮。息心君獨少。慕謝始精文。依僧欲
觀妙。列泉前階注。清池北窻照。果藥雜芬敷。松

筠疎舊峭。屢躋幽人境。每肆芳晨眺。採藥玄猿窟。擷芝丹林嶠。紵衣豈寒禦。蔬食非饑療。雖甘巷北單。一作單豈塞青紫耀。郡有優賢棧。朝編貢士詔。欲同一作朱朱輪載。勿憚移文誚。

題鄭弘憲侍御遺愛草堂

居士近依僧。青山結茅屋。疎松映嵐晚。春池含苔綠。繁華冒陽嶺。新禽響幽谷。長嘯攀喬林。慕茲高世躅。

同元錫題瑯琊寺

適從郡邑喧。又茲三伏熱。山中清景多。石罅寒
泉潔。花香天界事。松竹人間別。殿分嵐嶺明。磴
臨懸壑絕。^{一作峽}昏旭窮陟降。幽顯盡披閱。^{一作嶺}嶽駭風雨
區。寒知龍蛇穴。情虛澹泊生。境寂塵妄滅。經世
豈非道。無爲厭車轍。^{一作歸轍}

題鄭拾遺草堂

借地結茅棟。橫竹挂朝衣。秋園雨中綠。幽居塵

事違。一作涼陰井夕蟲亂。高林霜果稀。子有白雲意。構
此想巖扉。

韋蘇州集卷之七 終

韋蘇州集卷之八

雜興

詠玉

乾坤有精物。至寶無文章。雕琢爲世器。真性一朝傷。

詠水精

映物隨顏色。含空無表裏。持來向明月。的皪愁成水。

詠珊瑚

絳樹無花葉。非石亦非瓊。世人何處得。蓬萊石
上生。

詠留璃

有色同寒水。無物隔纖塵。象筵看不見。堪將對
玉人。

詠琥珀

曾爲老茯神。本是寒松液。蚊蚋落其中。千年猶

可覲。

仙人祠

倉岑古仙子。清廟閟華容。千載去寥廓。白雲遺
舊蹤。歸來灞陵上。猶見最高峰。

詠曉

軍中始吹角。城上河初落。深沈猶隱帷。晃朗先
分閣。

詠夜

明從何處去。暗從何處來。但覺年年老。半是此
中催。

詠聲

劉涓子曰其姿
近道語此漸超
碩東橋曰造理
之言
又云勝詠夜之
作遠甚

萬物自生聽大空。恒寂寥。還從靜中起。却向靜
中消。

任洛陽丞請告

方鑿不受圓。直木不爲輪。揆才各有用。反性生
苦辛。折腰非吾事。飲水非吾貧。休告卧空館。養

病絕囂塵。遊魚自成族。野鳥亦有羣。家園杜陵下。千歲心氛氲。天晴嵩山高。雪後河洛春。喬木猶未芳。百草日已新。著書復何爲。當去東臯耘。

縣齋

仲春時景好。草木漸舒榮。公門且無事。微雨園林清。泱泱水泉動。忻忻衆鳥鳴。閑齋始延矚。東作興庶旰。卽事翫文墨。抱冲披道經。於焉日澹泊。徒使芳尊盈。

晚出府舍與獨孤兵曹令狐工曹南尋朱

雀街歸里第

分曹幸同簡。聯騎方愜素。還從廣陌歸。不覺青
山暮。翻翻鳥未沒。杳杳鐘猶度。尋草遠無人。望
山多枉路。聊叅世士跡。嘗得靜者顧。出入雖見
牽。一作明忘身緣所晤。

休暇東齋

由來束帶士。請謁無朝暮。公暇及私身。何能獨

閑步摘葉愛芳在。捫竹怜粉污。岸幘偃東齋。夏
天清曉露。懷仙閱真誥。貽友題幽素。榮達頗知
疎。恬然自成度。綠苔日已滿。幽寂誰來顧。

夜直省中

河漢有秋意。南宮生早涼。玉漏殊杳杳。雲闕更
蒼蒼。華燈發新燄。一作爐輕煙浮夕香。顧迹知爲忝。束
帶愧周行。

郡內閒居

棲息絕塵侶。孱鈍得自怡。腰懸竹使符。心與廬
山緇。永日一酣寢。起坐兀無思。長廊獨看雨。衆
藥發幽姿。今夕已云罷。明晨復如斯。何事能爲
累。寵辱豈要辭。

燕居卽事

蕭條竹林院。風雨叢蘭折。幽鳥林上啼。青苔人
跡絕。燕居日已永。夏木紛成結。几閣積羣書。時
來北窻閱。

劉涓子曰句
實狀

桂天祥曰身世俱幻情景兩忘
劉須溪曰古調本色微雨一映似亦以癡得之也

幽居

貴賤雖異等。出門皆有營。鍾云胸中免化獨無外物牽。顧云諒得遠遂此幽

居。情微雨夜來。過不知春。草生青山忽已曙。鳥

雀繞舍鳴。時與道人偶。或隨樵者行。自當安蹇

劣。一作拙誰謂薄世榮。顧云不煇

野居書情

世事日可見。身名良蹉跎。尚瞻白雲嶺。聊作負

薪歌。

郊居言志

負暄衡門下。望雲歸遠山。但要樽中物。餘事豈
相關。交無是非責。且得任疎頑。日夕臨清澗。逍
遙思慮閒。出去唯空屋。弊簣委窻間。何異林棲
鳥。戀此復來還。世榮斯獨已。一作息顏志亦何攀。唯當
歲豐熟。問里一歡顏。

夏景端居卽事

北齋有涼氣。嘉樹對層城。重門永日掩。清池夏

雲生遇此庭訟簡。始聞蟬初鳴。逾懷故園愴。默
默以緘情。

始至郡

湓城古雄郡。一作鎮橫江千里池。高樹上迢遞。峻堞繞

欹危。井邑煙火晚。郊原草樹滋。洪流蕩北隄。一作蕩崇

嶺鬱南圻。斯民本樂生。逃逝竟何爲。早歲屬荒

歉。舊逋積如坻。到郡方逾月。終朝理亂絲。賓朋

未及醺。簡牘已云疲。昔賢播高風。得守愧無施。

豈待干戈戢。且願撫惇嫠。

郡中西齋

似與塵境絕。一作世蕭條齋舍秋。寒花獨經雨。山禽時到州。清觴養真氣。玉書示道流。豈將符守戀。幸以棲心幽。

新理西齋

方將吐訟理。久翳西齋居。草木無行次。閒暇一芟除。春陽土脉起。膏澤發生初。養條刊朽枿。護

藥鋤穢蕪。稍稍覺林聳。歷歷忻竹疎。始見庭宇曠。頓令煩抱舒。茲焉卽可愛。何必是吾廬。

曉坐西齋

蓼蓼城鼓動。稍稍林鷗去。柳意不勝春。巖光已知曙。寢齋有單梯。一作第靈藥爲朝茹。一作興盥漱忻景清。焚香澄神慮。公門自常事。道心寧易處。

郡齋卧疾絕句

香爐宿火滅。蘭燈宵影微。秋齋獨卧病。誰與覆

寒衣。

寓居永定精舍

蘇州

政拙忻罷守。閑居初理生。家貧何由往。夢想在
京城。野寺霜露月。農興羈旅情。聊租二頃田。方
課子弟耕。眼暗文字廢。身閑道心精。卽與人羣
遠。豈謂是非嬰。

永定寺喜辟強夜至

子有新歲慶。獨此苦寒歸。夜叩付林寺。山行雪

鍾伯敬曰真人
真事真話

滿衣深鑪正燃火。空齋共掩扉。還將一樽對。無
言百事違。

野居

結髮屢辭秩。立身本踈慢。今得罷守歸。幸無世
欲患。棲止且偏僻。嬉遊無早晏。逐兔上坡岡。捕
魚緣赤澗。高歌意氣在。貰酒貧居慣。時啟北窻
扉。豈將文墨間。

同襄子秋齋獨宿

頤東橋云語未
甚工而調古

山月皦如燭。風霜時動竹。夜半鳥驚栖。窓間人
獨宿。

餌黃精

靈藥出西山。服食採其根。九蒸換凡骨。經著上
世言。候火起中夜。馨香滿南軒。齋居感衆靈。藥
術啟妙門。自懷物外心。豈與俗士論。終期脫印
綬。永與天壤存。

昭國里第聽元老師彈琴

竹林高宇霜露清。朱絲玉徽多故情。暗識啼鳥
與別鶴。祇緣中有斷腸聲。

野次聽元昌奏橫笛

立馬蓮塘吹橫笛。微風動柳生水波。北人聽罷
淚將落。南朝曲中怨更多。

樓中閱清管

山陽遺韻在林端。橫吹驚響迴憑高閣。曲怨繞
秋城。淅瀝危葉振。蕭瑟涼氣生。始遇茲管賞。已

懷故園情。

寒食

晴明寒食好。春園百卉開。
綵繩拂花去。輕毬度閣來。
長歌送落日。緩吹逐殘杯。
非關無燭罷。良爲羈思催。

七夕

人世拘形迹。別去間山川。
豈意靈仙偶。相望亦彌年。
夕衣清露濕。晨駕秋風前。
臨懽定不住。當

爲何所牽。

九日

劉涓子曰可悲
傷世與余同處

今朝把酒復惆悵。憶在杜陵田舍時。明年九日
知何處。世難還家未有期。

秋夜

劉涓子曰何處
思索洞見本懷

暗窗涼葉動。秋天寢席單。一作齊憂人半夜起。明月在
林端。一與清景遇。每憶平生歡。如何方慟愴。披
衣露更寒。一作轉

秋夜一絕

高閣漸凝露。涼葉稍飄闌。憶在南宮直。夜長鐘漏稀。

滁城對雪

晨起滿闌雪。憶朝闔闔時。玉座分曙早。金爐上煙遲。飄散雲臺下。凌亂桂樹姿。厠跡鵷鷺末。蹈舞豐年期。今朝覆山郡。寂寞復何爲。

雪中

空堂歲已晏。密室獨安眠。慙篠夜偏積。覆閣曉逾妍。連山暗古郡。驚風散一川。此時騎馬出。忽憶京華年。

詠春雪

徘徊輕雪意。似借艷陽時。不悟風花冷。翻令梅柳遲。

對春雪

蕭屑杉松聲。寂寥寒夜慮。州貧人吏稀。雪滿山

城曙春塘看幽谷。栖禽愁未去。開闢正亂流。寧
辨花枝處。

對殘燈

獨照碧窗久。欲隨寒燼滅。幽人將遽眠。解帶翻
成結。楊用修曰梁沈氏滿願詩殘燈猶未滅將盡更楊輝惟餘一兩燭猶
得解羅衣此詩實出于沈照韋有幽意而沈深矣

對芳樽

對芳樽。醉來百事何足論。遙見青山始一醒。欲
著接離還復昏。

顧東橋曰此篇
細項可意

夜對流螢作

月暗竹亭幽。螢光拂席流。還思故園夜。更度一
年秋。自慙觀書興。何慚秉燭遊。府中徒冉冉。明
發好歸休。

對新篁

新綠苞初解。嫩氣筍猶香。含露漸舒葉。抽叢稍
自長。清晨止亭下。獨愛此幽篁。

夏花明

夏條綠已密。朱萼綴明鮮。炎炎日正午。灼灼火
俱燃。翻風適自亂。照水復成妍。歸視窻間字。熒
煌滿眼前。

對萱草

何人樹萱草。對此郡齊幽。本是忘憂物。今夕重
生憂。叢疎露始滴。芳餘蝶尚留。還思杜陵圃。離
披風雨秋。

見紫荊花

雜英紛已積。含芳獨暮春。還如故園樹。忽憶故園人。

翫螢火

時節變衰草。物色近新秋。度月影纔歛。繞竹光復流。

對雜花

朝紅爭景新。一作鮮夕素含露翻。妍姿如有意。流芳復滿園。單棲守遠郡。永日掩重門。不與花爲偶。終

遣與誰言。

種藥

鍾伯敬曰不改
二語不獨言種
植之法兼得其
趣其理
譚夏云有情
有興在漫茲始
三字

好讀神農書。多識藥草名。持縑購山客。移蒔羅
衆英。不改幽澗色。宛如此地生。汲井旣蒙澤。插
援亦扶傾。陰穎夕房歛。陽條夏花明。悅翫從茲
始。日夕繞庭行。州民自寡訟。養閑非政成。

西澗種柳

宰邑垂所願。僂俛愧昔人。聊將休暇日。種柳西

譚夏曰此口
無餘

澗濱置鍾息微倦。臨流睇歸雲。封壤自人力。生
條在陽春。一作王春成陰豈自取。爲茂屬佗辰。延詠留嘉
賞。山水變夕曛。

種瓜

率性方鹵莽。理生尤自疎。今年學種瓜。園圃多
荒蕪。衆草同雨露。新苗獨翳如。直以春耜迫。過
時不得鋤。田家笑枉費。日夕轉空虛。信非吾儕
事。且讀古人書。

喜園中茶生

潔性不可污。爲餘滌塵煩。此物信靈味。本自出
山原。聊因理郡餘。率爾植荒園。喜隨衆草長。得
與幽人言。

移海榴

葉有苦寒色。山中霜霰多。雖此蒙陽景。移根意
如何。

郡齋移杉

櫨榦方數尺。幽姿已蒼然。結根西山寺。來植郡
齋前。新含野露氣。稍靜高窻眠。雖爲賞心遇。豈
有巖中緣。

花徑

山花夾徑幽。古甃生苔澀。胡牀理事餘。玉琴承
露濕。朝與詩人賞。夜携禪客入。自是塵外蹤。無
令吏趨急。

慈恩寺南池秋荷詠

對殿含涼氣。裁規覆清沼。衰紅受露多。餘馥依
人少。蕭蕭遠塵跡。颯颯凌秋曉。節謝客來稀。迴
塘方獨遶。

題桐葉

參差剪綠綺。蕭洒覆瓊柯。憶在灋東寺。偏書此
葉多。

題石橋

遠學臨海嶠。橫此莓苔石。郡齋三四峯。如有靈

劉涓溪曰此語
自好但韋公蘇
出數字神情又
別故貴知言不
然不免為野人
語矣好詩免是
拾得此絕先得
後半起更難似

仙跡。方愁暮雲滑。始照寒池碧。自與幽人期。逍
遙竟朝夕。

池上

郡中卧病久。池上一來賒。榆柳飄枯葉。風雨倒
橫查。

滁州西澗

歐陽修云滁州城西乃是豐山無西澗獨城北有一澗水極淺
不勝舟又江潮不到豈詩人務在佳句而實無此景耶

獨憐幽草澗邊生。上有黃鸝深樹鳴。春潮帶雨
晚來急。野渡無人舟自橫。

謝枋得云此詩感時多故而作又
何必滁之果如是也

故知作者用心

西塞山

勢從千里奔。直入江中斷。嵐橫秋塞雄。地束驚流滿。

山耕叟

蕭蕭垂白髮。默默詎知情。獨放寒林燒。多尋虎跡行。暮歸何處宿。來此空山耕。

上方僧

見月出東山。上方高處禪。空林無宿火。獨夜汲

寒泉。不下藍溪寺。今年三十年。

煙際鐘

隱隱起何處。迢迢送落暉。蒼茫隨思遠。蕭散逐

煙微。秋野寂

一作夕

云晦。望山僧獨歸。

始聞夏蟬

徂夏暑未晏。蟬鳴景已曛。一聽知何處。高樹但

侵雲。響悲遇衰齒。

節謝屬離羣。還憶郊園日。獨

向澗中聞。

射雉

走馬上東岡。朝日照野田。野田雙雉起。翻射斗
迴鞭。雖無百發中。聊取一笑妍。羽分繡臆碎。頭
弛錦鞞懸。方將悅羈旅。非關學少年。弢弓一長
嘯。憶在灞城阡。

夜聞獨鳥啼

失侶度山覓。投林舍北啼。今將獨夜意。偏知對
影栖。

述園鹿

野性本難畜。翫習亦逾年。麇斑始力直。麇角已
蒼然。仰首嚼園柳。俯身飲清泉。見人若閑暇。麇
起忽低騫。茲獸有高貌。凡類寧比肩。不得遊山
澤。跼促誠可憐。

聞鴈

故園眇何處。歸思方悠哉。淮南秋雨夜。高齋聞
鴈來。

劉須溪曰更不
須語言

桂天祥云省以不
復言極若歸思無
著時更值夜雨聞
雁誰能遣此懷抱

顧東橋曰淒涼
有况
何湛之云此必
悼亡後作次第
可見

子規啼

高林滴露夏夜清。南山子規啼一聲。鄰家婦
抱兒泣。我獨展轉難爲情。一作何時明

始建射侯

男子本懸孤。有志在四方。虎竹忝明命。熊侯始
張皇。賓客時事畢。諸將備戎裝。星飛的屢破。鼓
譟武更揚。曾習鄒魯學。亦陪鸛鷺翔。一朝願投
筆。世難激中腸。

鷓鴣

可憐鷓鴣飛。飛向樹南枝。南枝日照暖。北枝霜
露滋。露滋不堪棲。使我夜常啼。願逢雲中鶴。銜
我向寥廓。願作城上烏。一年生九雛。何不舊巢
住。一作若枝弱不得去。不意道苦辛。客子常畏人。

韋蘇州集卷之八終

韋蘇州集卷之九

歌行上

長安道

漢家宮殿含雲煙。兩宮十里相連延。晨霞出沒
弄丹闕。春雨依微自甘泉。春雨依微春尚早。長
安貴遊愛芳草。寶馬橫來下建章。香車却轉避
馳道。貴遊誰最貴。衛霍世難比。何能蒙主恩。幸
遇邊塵起。歸來甲第拱。皇居朱門戟。戟臨九衢

顧東槎曰蘇州
尚古故能為樂
府遺音

中。有。流。蘇。合。歡。之。寶。帳。一。百。二。十。鳳。凰。羅。列。含。
明。珠。下。有。錦。鋪。翠。被。之。燦。爛。博。山。吐。香。五。雲。散。
麗。人。綺。閣。情。飄。飄。頭。上。鴛。鴦。雙。翠。翹。佢。鬟。曳。袖。
迴。春。雪。聚。黛。一。聲。愁。碧。霄。山。珍。海。錯。棄。藩。籬。烹。
犢。魚。羔。如。折。葵。旣。請。列。侯。封。部。曲。還。將。金。印。授。
盧。兒。歡。榮。若。此。何。所。苦。但。苦。白。日。西。南。馳。

行路難

荆山之白玉兮。良工珣琢雙環連。月蝕中央鏡。

心穿。故人贈妾初相結。恩在環中尋不絕。人情
厚薄苦須臾。昔似連環今似玦。連環可碎不可
離。如何物在人自移。上客勿遽歡。聽妾歌路難。
旁人見環環可憐。不知中有長恨端。

橫塘行

妾○家○住○橫○塘○。夫○婿○郗○家○郎○。玉○盤○的○歷○矢○白○魚○。湘○
簾○玲○瓏○透○象○牀○。象○牀○可○寢○魚○可○食○。不○知○郎○意○何○
南○北○。岸○上○種○蓮○豈○得○生○。池○中○種○槿○豈○得○成○。丈○夫○

劉涇溪曰却是
怨意
傾東橋曰聲
樂府

一去花落樹。妾獨夜長心未平。

貴遊行

漢帝外家子。恩澤少封侯。垂楊拂白馬。曉日上
青樓。上有顏如玉。高情世一作非無儔。輕裾含碧煙。窈
窕似雲浮。良時無還景。促節爲我謳。忽聞艷陽
曲。四坐亦已柔。賓友仰稱嘆。一生何所求。平明
擊鐘食。入夜樂未休。風雨憊歲候。兵戈橫九州。
焉知坐上客。草草心所憂。

酒肆行

豪家沽酒長安陌。一旦起樓高百尺。碧疏玲瓏
含春風。銀題彩幟邀上客。迴瞻丹鳳闕。直視樂
遊苑。四方稱賞名已高。五陵車馬無近遠。晴景
悠揚三月天。桃花飄俎柳垂筵。繁絲急管一時
合。他壚隣肆何寂然。主人無狀且專利。百斛須
臾一壺費。一作囊初釀後薄爲大倫。飲者知名不知味。
深門潛醞客來稀。終歲醇醲味不移。長安酒徒

空擾擾。路旁過去那得知。

相逢行

劉涓溪曰極有
俠意
桂天祥曰猶酣
新豐酒便俠尚
帶灞陵雨何故
有如此佳
二十登漢朝。英聲邁今古。適從東方來。又欲謁
明主。猶酣新豐酒。尚帶灞陵雨。邂逅兩相逢。別
來問寒暑。寧知白日晚。暫向花間語。忽聞長樂
鐘。走馬東西去。

烏引雛

日出照東城。春烏鴟鴞雛。和鳴。鷦和鳴。羽猶短。

巢在深林春正寒。引飛欲集東城暖。羣鷁離縱
睥睨高。舉翅不及墜蓬蒿。雄雌來去飛又引。音
聲下上懼鷹隼。引鷁鳥。爾心急急將何如。何得
比日搜索雀卵噉爾鷁。

鷁奪巢

野鵲野鵲巢林梢。鷁鷁恃力奪鵲巢。吞鵲之肝
啄鵲腦。竊食偷居常自保。鳳凰五色百鳥尊。知
鷁爲害何不言。霜鷁野鷁得殘肉。同啄羶腥不

肯逐。可憐百鳥生縱橫。雖有深林何處宿。

燕銜泥

銜泥燕。聲嘓嘓。尾涎涎。秋去何所歸。春來復相見。豈不解決絕。高飛碧雲裏。何爲地上銜泥滓。銜泥雖賤意有營。杏梁朝日巢欲成。不見百鳥畏人林野宿。翻遭網羅俎其肉。未若銜泥入華屋。燕銜泥。百鳥之智莫與齊。

鞀鼓行

淮海生雲暮慘澹。廣陵城頭輦鼓暗。寒聲坎坎
風動邊。忽似孤城萬里絕。四望無人煙。又如虜
騎截遼水。胡馬不食仰朔天。座中亦有燕趙士。
聞輦不語客心死。何況鰥孤火絕無晨炊。獨婦
夜泣官有期。

古劍行

千年土中兩刃鐵。土蝕不入金星滅。沉沉青春
鱗甲滿。蛟龍無足蛇尾斷。忽欲動。中有靈。豪士

得之敵國寶。仇家舉意半夜鳴。小兒女子不可
近。龍蛇變化此中隱。夏雲奔走雷闐闐。恐成霹
靂飛上天。

金谷園歌

石氏滅。金谷園中水流絕。當時豪右爭驕侈。錦
爲步障四十里。東風吹花雪滿川。紫氣凝閣朝
景妍。洛陽陌上人迴首。絲竹飄颻入青天。晉武
平吳恣懽燕。餘風靡靡朝廷變。嗣世衰微誰肯

憂。二十四友日日空追遊。追遊詎可足。其惜年
華促。禍端一發埋恨長。百草無情春自綠。

溫泉行

出身天寶今年幾。頑鈍如鎚石銘命如紙。作官不了
却來歸。還是杜陵一男子。北風慘慘投溫泉。忽
憶先皇遊幸年。身騎廐馬引天仗。直入華清列
御前。玉林瑤雪滿寒山。上昇玄閣遊絳煙。平明
羽衛朝萬國。車馬合沓溢四鄣。蒙恩每浴華池

水。扈獵不蹂渭北田。朝廷無事共懽燕。美人絲
管從九天。一朝鑄鼎降龍馭。小臣髯絕不得去。
今來蕭瑟萬井空。唯見蒼山起煙霧。可憐嚙蹬
失風波。仰天大叫無柰何。弊裘羸馬凍欲死。賴
遇主人杯酒多。

學仙

昔有道士求神仙。靈真下試心確然。千鈞巨石
一髮懸。卧之石下十三年。存道忘身一試過。名

奏玉皇乃升天。雲氣冉冉漸不見。留與弟子但精堅。

石上鑿井欲到水。情心一起中路止。豈不見古來三人俱弟兄。結茅深山讀仙經。上有青冥倚天之絕壁。下有颼颼萬壑之松聲。仙人變化爲白鹿。二弟翫之兄誦讀。讀多七過可乞言。爲子心精得神仙。可憐二弟仰天泣。一失毫釐千萬年。

廣陵行

雄藩鎮楚郊。地勢鬱岧嶢。雙旌擁萬戟。中有霍
嫖姚。海雲助兵氣。寶貨益軍饒。嚴城動寒角。晚
騎踏霜橋。翕習英豪集。振奮士卒驍。列郡何足
數。趨拜等卑寮。日晏方云罷。人逸馬蕭蕭。忽如
京洛間。遊子風塵飄。歸來視寶劍。功名豈一朝。

萼綠華歌

有一人兮昇紫霞。書名玉牒兮萼綠華。仙容矯

矯今雜瑤珮。輕衣重重重。今蒙絳紗。雲雨愁思今望淮海。鼓角蕭條。今駕龍車。世滯濁。今不可降。胡不來。今玉斧家。

王母歌

衆仙翼神母。羽蓋隨雷起。上遊玄極杳冥中。下看東海一杯水。海畔種桃經幾時。千年開花千年子。玉顏耿耿何處尋。世上茫茫人自死。

馬明生遇神女歌

學仙貴功亦貴精。神女變化感馬生。石壁千尋

啟雙檢。中有玉堂鋪玉簟。一作牀立之一隅不與言。玉

體安隱三日眠。馬生一立心轉堅。知其丹白蒙

哀憐。安期先生來起居。請示金鑑玉珮天皇書。

神女呵責不合見。仙子謝過手足戰。大瓜玄棗

冷如冰。海上摘來朝霞凝。賜仙復坐對食訖。頷

一作使隨玄煙升

之使去。隨煙升。乃言馬生合不死。少姑教勅令

付爾。安期再拜將生出。一授素書天地畢。

石鼓歌

周宣大獵兮岐之陽。刻石表功兮煒煌煌。石如鼓形數止十。風雨缺訛苔蘚澀。今人濡紙脫其文。旣擊旣掃白黑分。忽開滿卷不可識。驚潛動螭走云云。喘急逶迤相糾錯。乃是宣王之臣史籀作。一書遺此天地間。精意長存世冥寞。秦家祖龍還刻石。碣石之杲李斯跡。世人好古猶法傳。持來比此殊懸隔。

寶觀主白鸚鵡歌

鸚鵡鵠鵠。衆皆如漆。爾獨如玉。鸚之鵠之。衆皆
蓬蒿下。爾自三山來。音來三山處子下人間。綽約不
粧冰雪顏。仙鳥隨飛來掌上。來掌上時拂拭人
心。鳥意自無猜。玉指霜毛本同色。有時一去凌
蒼蒼。朝遊汗漫暮玉堂。巫峽雨中飛暫濕。杏花
林裏過來香。日夕依人全羽翼。空欲銜環非報
德。豈不及阿母之家青鳥兒。漢宮來往傳消息。

彈碁歌

圓天方地局。二十四氣子。劉生絕藝難對曹。客
爲歌其能。請從中央起。中央轉關破欲闌。零落
勢背誰能彈。此中舉一得六七。旋風忽散霹靂
疾。履機乘變安可當。置之死地翻取強。不見短
兵反掌收已盡。唯有猛士守四方。四方又何難。
橫擊上緣邊。豈如昆明與碣石。一箭飛中隔遠
天。神安志愜動十全。滿堂驚視誰得然。

韋蘇州集卷之九

終

韋蘇州集卷之十

歌行下

聽鶯曲

劉涓子曰望而知為木色人也

桂天祥曰觀太白新鶯百轉他

覺韋詩煩劇

顧東橋曰形容

好

東○方○欲○曙○花○冥○冥○啼○鶯○相○喚○亦○可○聽○乍○去○乍○來○
時○近○遠○纔○聞○南○陌○又○東○城○忽○似○上○林○翻○下○苑○綿○
綿○蠻○蠻○如○有○情○欲○轉○不○轉○意○自○矯○羌○兒○弄○笛○曲○
未○調○前○聲○後○聲○不○相○及○秦○女○學○箏○指○猶○涩○須○臾○
風○暖○朝○日○暎○流○音○變○作○百○鳥○喧○誰○家○懶○婦○驚○殘○

夢。何處愁人憶故園。伯勞飛過聲跼促。戴勝下
時桑田綠。不及流鶯日日啼。花間能使萬家春。
意閒。有時斷續聽不了。飛去花枝猶裊裊。還棲
碧樹鏤千門。春漏方殘一聲曉。

白沙亭逢吳叟歌

龍池宮裏上皇時。羅衫寶帶香風吹。滿朝豪士
今已盡。欲話舊遊人不知。白沙亭上逢吳叟。愛
客脫衣且沽酒。問之執戟亦先朝。零落艱難却

負樵親觀文物蒙雨露。見我昔年侍丹霄。冬狩
春祠無一事。歡遊治宴多頒賜。嘗陪夕月竹宮
齋。每返溫泉灞陵醉。星歲再周十二辰。爾來不
語今爲君。盛時忽去良可恨。一生坎壈可足云。

送褚校書歸舊山歌

握珠不返泉。匣玉不歸山。明皇重士亦如此。忽
恠褚生何得還。方稱羽獵賦。未拜蘭臺職。漢篋
亡書已暗傳。嵩丘遺簡還能識。朝朝待詔青鑲

闡中有萬年之樹蓬萊池。世人仰望棲此地。生
獨徘徊意何爲。故山可往薇可採。一自人間星
歲改。藏書壁中苔半侵。洗藥泉中月還在。春風
飲餞灞陵原。莫厭歸來朝市喧。不見東方朔。避
世從容金馬門。

五絃行

美人爲我彈五絃。塵埃忽靜心悄然。古刀幽磬
初相觸。千珠貫斷落寒玉。中曲又不喧。徘徊夜

長月當軒。如伴風流縈艷雪。更逐落花飄御園。
獨鳳寥寥有時隱。碧霄來下聽還近。燕姬有恨
楚客愁。言之不盡聲能盡。未曲感我情。解幽釋
結和樂生。壯士有仇未得報。拔劍欲去憤已平。
夜寒酒多愁遮明。

驪山行

君不見開元至化垂衣裳。厭坐明堂朝萬方。訪
道靈山降聖祖。沐浴華池集百祥。千乘萬騎被

原野。雲霞草木相輝光。禁仗圍山曉霜切。離宮
積翠夜漏長。玉階寂歷朝無事。碧樹萎蕤寒更
芳。三清小鳥傳仙語。九華真人奉瓊漿。下元昧
爽一作編漏恒秩。登山朝禮玄元室。翠華稍隱天半雲。
丹閣光明海中日。羽旗旄節憇瑤臺。清絲妙管
從空來。萬井九衢皆仰望。彩雲白鶴方徘徊。憑
高覽或作一望古嗟寰宇。造化茫茫思悠哉。秦川八水長
繚繞。漢氏五陵空崔嵬。乃言聖祖奉丹經。以年

爲日億萬齡。蒼生感壽陰。陽泰高謝前。王出塵
外。英雄共理天下晏。戎夷讐伏兵無戰。時豐賦
劒未告勞。海濶珍奇亦來獻。干戈一起文武乖。
歡娛已極人事變。聖皇弓劒墜幽泉。古木蒼山
閉宮殿。續承鴻業聖明君。威震六合驅妖氛。太
平遊幸今可待。湯泉嵐嶺還氛氲。

漢武帝雜歌

漢武好神仙。黃金作臺與天近。王母摘桃海上

還感之西過聊問訊。欲來不來夜未央。殿前青
鳥先迴翔。綠鬢縈雲裾。曳霧雙節飄飄下。仙步
白日分明到世間。碧空何處來時路。玉盤捧桃
將獻君。踟躕未去留彩雲。海水桑田幾翻覆。中
間此桃四五熟。可憐穆滿瑤池燕。正值花開不
得薦。花開子熟安可期。邂逅能當漢武時。顏如
芳華潔如玉。心念我皇多嗜欲。雖留桃核桃有
靈。人間糞土種不生。由來在道一作德豈在藥。徒勞方

士海上行。掩扇一言相謝去。如煙非煙不知處。
金莖孤峙。今凌紫煙。漢宮美人望杳然。通天臺
上月初出。承露盤中珠正圓。珠可飲。壽可永。武
皇南面曙欲分。從空下來玉杯冷。世間綵翠亦
作囊。八月一日仙人方。仙方稱上藥。靜者服之
常綽約。柏梁沈飲自傷神。猶聞駐顏七十春。乃
知甘醲皆是腐腸物。獨有淡薄之水能益人。千
載金盤竟何處。當時鑄金恐不固。蔓草生來春

復秋。碧天何言空墜露。

漢天子觀風自南國。浮舟大江屹不前。蛟龍索
鬪風波黑。春秋方壯雄武才。彎弧叱浪連山開。
愕然觀者千萬衆。舉麾齊呼一矢中。死蛟浮出
不復靈。舳艫千里江水清。鼓輦餘響數日在天
吳。深入魚鰲驚。左有欽飛落霜翮。右有孤兒貫
犀革。何爲臨深親射蛟。示威以奪諸侯魄。威可
畏。皇可尊。平田校獵書猶陳。此日從臣何不言。

獨有威聲振千古。君不見後嗣尊爲武。

櫻櫚蠅拂歌

櫻櫚爲拂登君席。青蠅一作螳掩亂飛四壁。文如輕羅
散如髮。馬尾毳毛不能絜。柄出湘江之竹碧玉
寒。上有纖羅縈縷尋未絕。左揮右洒繁暑清。孤
松一枝風有聲。麗人純素可憐色。安能點白還
爲黑。

信州錄事參軍常曾古鼎歌

三年糾一郡。獨飲寒泉井。江南鑄器多鑄銀。罷
官無物唯古鼎。一作鼎彫螭刻篆相錯蟠。地中歲久青
苔寒。左對蒼山右流水。云有古來葛仙子。葛仙
埋之何不還。耕者鎗然得其間。持示世人不知
寶。勸君鍊丹求壽考。

夏冰歌

出自玄泉杳杳之深井。汲在朱明赫赫之炎辰。
九天含露未銷鑠。閭闔初開賜貴人。碎如墜瓊

方截璐粉壁生寒象筵布。玉壺紈扇亦玲瓏。座
有麗人色俱素。咫尺炎涼變四時。出門焦灼君
詎知。肥羊甘醴心悶悶。飲此瑩然何所思。當念
闌干鑿者苦。臘月深井汗如雨。

凌霧行

秋城海霧重。職事凌晨出。浩浩合元天。溶溶迷
朗日。一作曉纔看合鬢白。稍視一作似霜衣密。道騎全不分。郊
樹都如失。霏微誤噓吸。膚腠生寒慄。歸當飲一

杯。庶用蠲斯疾。

樂燕行

揚用修曰此與
荅徐秀才五絃
行樂用艷雪字
而不厭其複也
或問予雪可言
艷乎予曰洛神
以流風迴雪比
美人之飄搖雪
固自有艷也然
雪之艷非韋不
能道柳花之香
非李不能道竹
之香非子美不
能道也

良辰且燕樂。樂往不再來。趙瑟正高張。音響清
塵埃。一彈和妙謳。吹去繞瑤臺。艷雪凌空散。舞
羅起徘徊。輝輝發衆顏。灼灼嘆令才。當喧既無
寂。中飲亦停杯。華燈何遽升。馳景忽西頽。高節
亦云立。安能滯不迴。

采玉行

官府徵白丁。言采藍谿玉。絕嶺夜無家。深榛雨中宿。獨婦餉糧還。哀哀舍南哭。

一作田荒舍南哭

難言

掬土移山望山盡。一作盡投石填海望海滿。持索捕風幾時得。將刀斫水幾時斷。未若不相知。中心萬仞何由款。

易言

洪鑪熾炭燎一毛。大鼎炊湯沃殘雪。疾影隨形

不覺至千鈞。引縷不知絕。未若同心言。一言和
同解。千結。

胡馬詞

胡馬胡馬。遠放燕支山下。跑沙跑雪獨嘶。東望
西望路迷。路迷路迷。邊草無窮日暮。
河漢河漢。曉挂秋城漫漫。愁人起望相思。江南
塞北別離。別離別離。別離別離。河漢雖同路絕。

三臺詞

一年一年老去。明日後日花開。未報長安平定。
萬國豈得銜盃。
冰泮寒塘始綠。雨餘百草皆生。朝來門閭無事。
晚下高齋有情。

韋蘇州集卷之十終

韋蘇州集拾遺目錄

熙寧丙辰校本添四首

荅暢叅軍一首

南池宴錢子辛賦得科斗一首

詠徐正字畫青蠅一首

虞獲子鹿一首

并序

紹興壬子校本添三首

陪王郎中尋孔微君一首

送宮人入道一首

和晉陵陸丞早春遊望一首

乾道辛卯校本添一首

九日

韋蘇州集拾遺

答暢參軍

秉筆振芳步。少年且吏遊。官閑高興生。夜直河
漢秋。念與清賞遇。方抱沈疾憂。嘉言忽見贈。良
藥同所瘳。高樹起栖鴉。晨鐘滿皇州。淒清露華
動。曠朗景氣浮。偶宦心非累。處喧道自幽。空虛
爲世薄。子獨意綢繆。

南池宴錢子辛賦得科斗

臨池見科斗。美爾樂有餘。不憂網與釣。幸得免爲魚。且願克文字。登君尺素書。

詠徐正字畫青蠅

誤點能成物。迷真許一時。筆端來已久。座上去何遲。顧白曾無變。聽雞不復疑。詎勞才子賞。爲入國人詩。

虞獲子鹿

并序

虞獲子鹿。憫園鹿也。遭虞之機張。見畜於人。不

得遂其天性焉。

虞獲子鹿。畜之城陬。園有美草。池有清流。但見
蹶蹶。亦聞呦呦。誰知其思。巖谷云遊。

陪王郎中尋孔徵君

俗吏閑居少。同人會面難。偶隨香署客。來訪竹
林歡。暮館花微落。春城雨暫寒。甕間聊共酌。莫
使宦情闌。

送宮人入道

捨寵求仙畏色衰。辭天素面立天墀。金丹擬駐
千年貌。寶鏡休勻八字眉。公主與收珠翠後。君
王看戴角冠時。從來宮女皆相妬。說着瑤臺總
淚垂。

和晉陵陸丞早春游望

獨有宦遊人。偏驚物候新。雲霞出海曙。梅柳度
江春。淑氣催黃雀。晴光照綠蘋。忽聞歌苦調。歸
思欲沾巾。

九日

一爲吳郡守。不覺菊花開。始有故園思。且喜衆
賓來。

韋蘇州集

總論

白樂天曰韋蘇州歌行才麗之外頗近興諷其
五言尤高雅閒澹自成一家之體

司空圖曰右丞蘇州趣味澄夏若清沆之貫達
又曰王右丞韋蘇州澄澹精緻格在其中
豈妨於道樂哉

敖陶孫曰韋蘇州如園客獨繭賭合音薇

劉須溪云韋應物居宮自愧悶悶有卹人之意
其詩如深山樛藥飲泉坐石曰晏忘歸又
曰韋詩潤者如石

葛常之曰韋應物詩平平處甚多至于五言句
則超然出于畦徑之外

徐師川云自李杜以來古人詩法盡廢惟蘇州
有六朝風致最爲流麗

葛縈云其爲文峻潔幽深詞意簡遠指事言情

格力閒暇下可以陵顏謝而上可以薄風騷擺去陳言濃纖合度而自成一家

西清詩話云韋蘇州如渾金璞玉不假雕琢成妍唐人有不能到至其過處大以村寺高僧奈時有野態

宋潛溪曰韋應物祖襲靈運能一寄濃纖于簡澹之中淵明以來一人而已

李東陽曰陶詩質厚近古愈讀而愈見其妙韋

應物稍失之平易柳子厚則過于精刻世
稱陶韋又稱韋柳特槩言之惟謂學陶者
須自韋柳而入乃爲正耳

何良俊曰韋左司性清曹遠最近風雅其活澹
之趣亦不減陶靖節唐人中五言有陶何
遺韻者獨左司一人

王元美曰韋左司平澹和雅爲元和之冠又曰
左司今朝郡齊冷是唐選佳境倪雲林詩

法云韋蘇州思致清遠能道小喫烟火食語

桂天祥云韋蘇州古詩冲雅極高律詩閒澹然不古矣

鍾惺云韋蘇州等詩胸中腕中皆先有一段真至深永之趣落筆自然清妙非專以淺澹擬陶者世人誤認陶詩作淺澹所以不知韋詩也

王雲五主編
萬有文庫
第二集七百種

章蘇州集
附拾遺
三冊

中華二十六年三月初版

者 章 應

發行人

印刷所

發行所

南
路
書
館

上海及各埠
商務印書館

